

Abbatia
Arbroth.

Red-head.

Lindsey
familia.
ADDIT.

Brechin.

ADDIT.

Montrose.

ADDIT.

ros.] Oceano inde aperto objacet *Aber-broth*, contracte *Arbroth*, locus cum amplis redditibus à Rege Guilielmo in honorem Thomæ Cantuariensis religioni olim dicatus, juxta quem *Rubrum promontorium* in altum longe conspiciendum porrigitur. Prope *Esca Australis* in mare se evolvit, qui è lacu profluens præterlabitur *Fyneum* castrum incolis suis *Lindesais* Craufordiarum Comitibus illustre. [Desit esse Craufordiorum familia per venditionem omnium terrarum, dein per foris facturam, & postremo necem Ludovici, novissime in prælio apud *Philiphagh* interemti. Titulus vero Comitum Craufordiarum, eo forisfacto 1644 concessus est per actum Parlamenti Iano Domino *Lindsey*, qui ostendit contractum inter eum & prædictum Ludovicum, & regium desuper in feofamentum, ubi caveretur, si nulli masculi hæredes ex illo Ludovico tempore mortis suæ superstites essent, quod dignitas & quædam terræ illi Iano Domino *Lindsey* cederent.]

Brechin deinde eidem fl. apponitur quam *Cathedra* Episcopali *David Primus* exornavit. [Baronia illa de *Brechin* & *Navar* pertinebat ad Comitem de *Mar*, sed ante decennium eam vendidit *Patricio Maul* de *Palmure* uni generosorum *Cubiculi regis*, qui jam eam possidet. Castrum *Brechin* propugnaculis apprime munitum, & ex quadrato lapide rubro constructum. *Brechinum* sic celebrat *Arturus Ionstonus*:

*Fertile Brechinum geminos interjacet amnes,
Hic Boream spectat, respicit ille Notum.
Rupibus incluse sternuntur pontibus undæ,
Sunt quoque securis flumina plena vadis.
Hanc simul Arctoi decorat victoria regis,
Perfida cum socii terga dedere duces.
Præfatus hic sancti domus est, & pyramis adi
Proxima, Phidiæ forsitan artis opus.
Si molem spectes, nihil est exilius illa,
Ipsa tamen cæli culmina tangit apex.
Est structura teres, nec raro lumina fallit,
Eminus hanc spectans esse putabis acum.
Dadala compages & ventos videt & imbres,
Nec metuit magni tela trifida Iovis.
Si fabricam conferre lubet, Brechinia turris
Pyramidas superat, Nile superbe, tuas.]*

In ostio ejusdem fluminis jacet *Mont-rose*, id est, *Mons Rosarum* oppidum, quondam *Celurca*, ex casu alterius ejusdem nominis exortum, quod inter duas *Escas* interfidet, & Comitum titulum *Grahamorum* familiæ impertit. [Mons *Rosarum* oppidum amœnum in ipso fluminis ostio, magna hic camporum planities ad duo milliaria se extendens. Postremis *Scotiarum* Comitibus ob perfidiam in patriam & arma sumpta reus Majestatis in Parlamento *Iacobus Montrosia* comes declaratus est, & promissa 20000 librarum qui caput ejus afferret.] De *Celurca* hæc *I. Ionstonus*:

*Aureolis urbs picta rosis, mons molliter urbi
Imminet, hinc urbi nomina facta canunt:
At veteres perhibent quondam dixisse Celurcam,
Nomine sic prisco & nobilitata novo est.
Et prisca atque nova insignis virtute, virumque
Ingeniis, patriæ qui peperere decus.*

[Et sic *Arturus Ionstonus*:

*Nobilis urbs rosei jam gaudet nomine montis,
Quæ prius à cælo dicta Celurca fuit.
Proximus huic mons est, quem præterlabitur amnis,
Ambrosias populo præbet uterque dapes.
Mons lectas pecudes, salmones sufficit undæ,
Lautius & si quid stagna Neronis habent.
Quæ recreent oculos, incingunt lilia ripas,
Ipsaque puniceis sunt juga picta rosis.
Ad latus eorum se vectigale profundum
Explicat, & velis mille teguntur aquæ.
Propter aquas populo præbet spectacula campus,
Flumine quem Boreas hinc lavat, inde Notus.
Hic juvenum pars flebit equos, pars utitur arcu,
Pars rotat Herculeæ grandia saxa manu.
Sunt quos lucta juvat, pars gaudet ludere disco,
Vel volucres curvo pellere fuste pilas.
Vrbs celebris, te si spectet Capitolia Romæ
Iuppiter, Idaliæ deseret alma Venus.*

Haud multum hinc abest *Boschain* Baronum de *Ogilvy*, quibus ab *Alexandro* illo *Angusie* Vicecomite, contra *Donaldinos* insulanos in cruento ad *Harlaum* prælio casus, est origo & antiqua nobilitas. [Vendita autem hæc Baronia Domino de *Suthesk* aliquot ab hinc annis. Duæ præterea hoc tempore emerferunt nobiles familiæ, videlicet *Davidis* comitis de *Suthesk*, qui primò *Baro* Baroniæ de *Kynaerd* appellabatur. Altera familia est illius fratris, *Ioannis Domini Lour*, (à *Loeren*) qui prius *Baro* de *Ethie* dicebatur. *Alexander*, tertius frater, diversas habet Baronias, nimirum, *Carrelstoun* olim Craufordiorum, *Balnarnone*, & alias. Comites in *Angusia* sunt Crauford, *Kinghorn*, *Suthesk*, *Grei*, *Spiny*, *Lour*.

Invenitur in registro confirmatio cambii facti inter *Dominos Marefcal* & *Lindsey*, qui terras suas de *Strudder* (*Achter-Vder* *Strudder* in feofamento appellatur) pro castello & terris de *Dunotyr*, ad *Lindesium* tunc pertinentibus, cum ea servitute, ut filius infans familiæ de *Lindsey* tempore belli à Domino *Marefcallo* in castro de *Dunotyr* cum servis suis pro dignitate aleretur. Istius castri nunc Dominus *Wilhelmus* comes *Marefchalli*, dominus *Keith* & *Altri*, vicecomes hereditarius *Mernia*.]

De *Angusie* Comitibus *Gilchristus Angusianus*, sub *Malcolmo III* rebus gestis clarus, primus fuit quem legi *Angusie* Comes. Circa annum *clocc XLII* *Ioannes Comin* fuit Comes *Angusie* qui in *Francia* obiit, ejusque vidua (forte Comitatus hæres) enupsit *Gilberto Vmfravill* Anglo. Ipse enim posterique ad Comitatus *Anglie* Parlamentaria fuerunt evocati, ad annum usque

ADDIT.

Boschain
Barones
Ogilvy.

ADDIT.

Angusia
Comites.